

intelligit hoc Principium Physicum *Aristoteles.* Sed finitum est capax infiniti per modum unionis. Sic fideles per unionem gratiae sunt infiniti Dei capaces. Templa enim sumus habitantis in nobis Spir. Sancti. Et finitus hic mundus est Dei infiniti capax. Deus enim vere in mundo est. Sic Christi humanitas finita per unionem personalem vere facta est particeps divinitatis infinitae. Et sic *Calviniani* nihil hoc argumento, quo ὑπλότητα fovent, obtinere possunt.

10. Quicquid non est ex fide, peccatum est,
Rom. 14. 23.

Philosophia non est ex fide.

E. Philosophia est peccatum.

Resp. Est *Æquivocatio* in voce fidei. Si enim de fide salvificâ explicaretur, multa suborirentur inde Absurda, quorum quædam recenset B. Jacobus Martini in *Ver-nunft-Spiegel* L. 2. c. 25. p. 923. ut:

Quicquid non est ex fide peccatum est:
Fides non est ex fide:
E. Fides est peccatum.

Mi-